

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IV. Quid de relationibus & appellationibus senserit Leo primus.

urn:nbn:de:hbz:466:1-15617

& Imperij Lib. VII. Cap. XVII. 345

ad Celestimum transtulerant.

I V. Leo autem primus tria quædam nos docet. Primum enim ostendit quonam modo se gererent Romani Pontifices, etiam quoad Gallias, postquam relations de rebus dubiis ad eos missæ fuerant, & post appellationem à judicis latis adversus Episcopos, quæ aut confirmata fuerant à sede apostolica, aut retractari jussa. Hæc sunt ejus verba ad Episcopos provincie Viennensis: *Nobiscum itaque vestra fraternitas recognoscat apostolicam sedem pro sui reverentia à vestre etiam provincie sacerdotibus innumeris relationibus esse consultam*, (hoc est antiquum jus quod à synodo Nicæna arcellit Papa Innocentius) & per diversarum, quemadmodum vetus consuetudo pescabat, appellationem causarum aut retractata aut confirmata fuisse judicia. Istud vero ius est à Sardicensi Concilio introductum.

V. Docet deinde Leo primam causarum Metropolitanorum cognitionem institui posse apud apostolicam sedem; ut probatur exemplo Hilarij Arelatensis Metropolitani. Evocatus is fuerat Romanum ob multas Episcoporum ordinationes peractas invito clero & populo, quos manu armata instituerat in Ecclesiis. Privatus itaque jure metropolitico à Leone fuit in Concilio Romano. Eodem decreto missa est in irritum sententia lata adversus Chelidonium Episcopum, quem Hilarius sacerdotio dejecerat tanquam vidua maritum. Verum cùm id probare non potuisset Hilarius in *Concilio Sacerdotum* quod tunc Leo Romæ celebrabat, Chelidonus Ecclesia suæ redditus est. Suspicari heic merito aliquis possit vim juri constituto factam à Leone, quod causam Chelidonij Romæ judicaverit, cùm eam remittere debuisse ad Episcopos provinciales, ab eis terminandam cum Episcopis provinciæ finitimæ, juxta canonem Sardicensem. Sed ex eo capite reperenda est Leonis defensio, quod Chelidonij appellatio juncta esset accusationi adversus Hilarium Arelatensem Episcopum institutæ, ac præterea quod ipse quoque Metropolitanus Episcopus esset, Vesontionensis nimurum, ut præfert codex monasterij Iurense à Sirmondo laudatus in Notis ad hanc Leonis epistolam.

V I. Intellexit Leo difficilem in Gallia fore executionem judicij adversus Hilarium facti , tum ob magnam viri dignationem ex sanctitatis ejus opinione profectam , tum etiam ob infractos canones in causa Chelidonij , que Roma fuerat definita. Itaque constitutionem à Valentiniano Aug. imparavit , quæ præcipit ut judicium illud mandetur executioni. Verum additio quæ se-

Tom. II.

qūitur, magni momenti est. Edicēt enim
perpetuo inter alia decernit quod si ali-
quis Episcopus Galliarum, aut aliarum pro-
vinciarum, Romam evocatus, Summi Ponti-
ficiis judicio se sistere recuset, adesse cogat-
tur per gubernatorem provinciæ: Ita ut quis-
quis Episcoporum, inquit Valentianus, ad
judicium Romanum Episcopi evocatus venire negle-
xerit, per moderatorem ejusdem provinciæ adesse
coga ur. Rescriptum autem illud non solum
ratum esse decernit decretum in causa Che-
lidonij factum, sed etiam novum jus intro-
ducit adversus canones Sardicenses. Epis-
copo enim Romano tribuit potestatem
evocandi Romam Episcopos. Sed Galli ex-
stimirunt sic obsequendum esse Pontifici ut
interim nihil detraheretur de auctoritate
canonum Sardicensium; quemadmodum
supræ ostensum est.

VII. In alia quoque occasione contendit Leo Metropolitanus judicari non posse absque sententia Episcopi Romani. Anastasius Episcopus Thessalonicensis caput erat & primus Metropolitanus Illyrici orientalis, id est, Macedoniae, Achaiae, Epiri veteris & novae, aliarumque provinciarum, ac præterea, quod dignitatem munieris sui fortius rerineret, vicariatu Papæ Leonis ornatus fuerat, ut ejus Legatus natus esset in his provinciis. Is ergo ad se manu armata adduci à publicis officiis præfecturæ Illyricanae curaverat Atticum veteris Epiri Metropolitanum antistitem. Id atrociter ac vehementer factum ait Leo, Anastasiū objurgans. Dein addit hæc verba, quæ probant id quod antea dixi, contendisse nimis Leonem Metropolitanos judicari non posse absque sententia Episcopi Romani. *An forte, inquit, aliquod tibi factus fratri innotuerat, & Metropolitanum Episcopum novi apud te criminis pondus urgebat? At hoc quidem alienum ab illo esse etiam tu nihil ei obiciendo confirmas. Sed etiam si quid grave intolerandumque gessisset, nostra erat expectanda censura; ut nihil prius ipse decerneret quād quid nobis placaret agnosceret.*

VIII. Successores quoque ejus incessit eadem cura quad Gallias. Hinc enim factum ut Papa Hilarus Hermetem Episcopum Narbonensem suspenderit à juribus metropoliticis anno quadragesto sexagesimo secundo. Idem Leontio Episcopo Arelatensi delegavit sollicitudinem castigandi presumptionem Mamerti Metropolitani Viennensis, reserving tamen sedi apostolicæ judicium, postquam Leonij & synodi relationem receperit. Tum anno quadragesto sexagesimo quarto, post acceptam relationem, negotium illud termi-

X x